



UNIVERSITÄTS-
BIBLIOTHEK
PADERBORN

Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

XXVII. Nec immundum quidquam comedas; quia concipies, & paries filium.
Judic. c. 13. v. 4.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



De Conceptâ Sacrà Deiparâ.

CONCEPTUS XXVII.

S. I. Scriptura.

183. ab IMPVrIs orCI ClbIs absti-
nens Delpara.

Judic. c. 13. v. 4. *Nec immundum quidquam comedas, quia concipies, & paries Filium, &c.*

v. 5. &
seq.

Submissus ex aulâ Cœlesti nuntius, Angelus Domini, ad dilectam Numini fœminam, Uxorem Manue, hæc inter alia monuit: *Nec immundum quidquam comedas, statim rationem subjungens: quia concipies, & paries Filium (Samsonem) cujus non tanget caput novacula; erit enim Nazareus DEI, ab infantia suâ, & ex Matris utero, & ipse incipiet liberare Israel de manu Philistinorum.*

Luc. 1.
v. 31.

Porro in Samfone illo omninò præfiguratum fuisse Christum, æterni Patris Filium, nemo est, qui dubitet; quemadmodum enim Samsonis Nativitas per ea Angeli verba Matri fuit annuntiata: *Quia concipies, & paries filium*, sic à Gabriële quoque Archangelo, iisdem profus verbis, Virgini MARIE annuntiata fuit Divini sui Filij felix, ac mysteriosa Nativitas: *Ecce concipies in utero, & paries Filium.* Quemadmodum Samson ille *Nazareus DEI, ab infantia suâ, & ex Matris utero*, est nuncupatus, sic Virginis Filius ab infantia *JESUS* audijt, & quidem *Nazareus*. Quemadmodum Samson ille erat incepturus *liberare Israël, de manu Philistinorum*, sic unigenitus DEI Filius, assumptâ mortali carne, humanum genus de manu infernalium potestatum erepturus; quid enim aliud Angelus Domini Josepho insinuare voluit? quando dixit: *Pariet*

Math. c. autem (MARIA) *Filium, & vocabis Nomen ejus JESUM*, expressè adjungens:

Ipsè enim salvum faciet populum suum, à peccatis eorum. Si ergo ad tanti Filij, Samsonis scilicet, Nativitatem Matri antehac sterili, omninò opus erat, ne immundum quidquam comederet, Numine id specialiter per Angelum præmonente: omninò credendum, MARIE, Divinam in Matrem jam ab æterno destinatâ, longè magis necessarium fuisse, ne unquam comederet, aut consentiret in gustationem, de vetito ligni fructu, vel idèò immundo, quia à DEO specialiter prohibito, cujus unico gustato bolo, totus mundus evasit immundus, non nisi Sacratissimo Christi Sanguine, ex infinitâ Creatoris misericordiâ, denuò purificandus. Et sanè, quanta mala hæc unica impuri cibi, pomi nimirum prohibiti pergustatio, in hominem transfuderit? quot toxica à fructu, nè quidem dimidio, in Orbem universum processerint? nemo est, qui nesciat; profluxit enim in humanam naturam diluvium integrum omnium malorum: gratiæ, in qua conditus fuerat homo, virtutes, ad unicum palati lenocinium, quâ datâ portâ ruerunt, inersque evasit, & inanis Adam, totaque posteritas, usque ad præcordia, corrosâ fortitudine, arente Amne, nec aliud remansit, nisi passionis & concupiscentiæ, inclinatio prona in malum, illecebræ ad quaslibet prohibitas voluptates. An non induxit impurus hic orci cibus horrorem, nescio quem, omnîs boni, atque honesti? flagrantiam, & amorem rerum caducarum? debilitatem veræ libertatis? ut quod velit bonum homo, idipsum nolit? an non præscripsit cibus hic malè gustatus leges, rectæ rationi profus contrarias? an non enervavit adèò vires animæ, ut lan-

languida potentia vix malis queat resistere? an non graviter fauciavit liberū arbitrium, ut nec velit, nec possit bonum agere per se, nisi gratiā Mediatoris adjutum? verbo, quidquid est malorum in homine, unū invexit cibi illius ideò impuri, quia prohibiti, immane malū; in hoc enim cibo, pessimè, ac contra præceptum attentato, omnes effectus, & operationes supremi mali, tanquam in femine radicato persistunt. Verūm, ob hanc ipsam rationem, ab impuris his orci cibus, à lethifero hoc ligni fructu, sola abstinere voluit Dei para, Numine specialiter præservante, ut Doctores plurimi, ijque celeberrimi, suo loco citati, unanimiter comprobant, cui proinde nullo instanti, hæc Protoparentū hæreditaria prævaricatio imputari poterat, utpote, in qua eodem, quo prius, impetu scaturire incipiebant novæ gratiorum fontium venæ, concitoque ad ipsam gradu, collisis undis, ab Evā lancinata, grandiori pelago, virtutes & gratiæ profluxere. Et meritò; decebat enim eam sic præmiari, quæ tam follicite Machabæos quondam illos est secuta, qui, teste Scripturâ, *desinierunt apud se, ut non manducarent immunda, & elegerunt magis mori, quàm cibus coinquinari immundis.* Definiamus & nos, non cogitare, loqui aut operari immunda, eligamus magis mori, quàm impuris orci cibus, peccaminosis actibus coinquinari, ut cum Virgine Beatissimâ, Cœlesti quondam cibo, purissimo DEI conspectu refici, ac satiari mereamur.

§. 2. *Authoritas.*

184. Sententia Concilio Lateranensis, Marla Virgo sine peccato Concepta.

Siquis secundum Sanctos Patres non confitetur, propriè, & secundum veritatem, Dei Genitricem Sanctam, semper Virginem, & immaculatam Mariam, damnatus sit. Sic Conciliū Lateran. sub Martino V. Can. 3.

§. 3. *Ratio.*

185. FILIVS DEI sine Labe in Carne, Ergò pariter Marla.

Juxta Auctoritatem S. Augustini,

Serm. 43. de Nativ. Dom. *In Cælo qualis est Pater, talis est Filius, sic & in terrâ, qualis est Mater secundum carnem, talis secundum carnem est Filius: In Cælo cum Patre æternus, immensus, incorruptus, & sublimis: In terrâ cum Matre immaculatus & mansuetus.* In quo textu S. Augustinus vult, quòd Beata Virgo cum Christo, secundum carnem, in ratione *Immaculati* omninò conveniat, sicut convenit in Cælo cum Patre Filius in ratione *Imensi, Æterni, &c.* Atqui Christus Dominus secundum carnem non tantum erat immaculatus ab omni labe peccati, toto vitæ suæ decursu, verum etiam in primo instanti Conceptionis. Ergò, ut conveniat cum Beatâ Virgine, hæc non tantum debuit esse sine labe peccati, toto vitæ suæ tempore, verum etiam in primo instanti Conceptionis. Confirmat id Sanctus Doctor, in eodem Sermone dicens: *Sicut in Cælo Christus habuit Patrem immortalem, & æternum, sic & in terrâ habuit Matrem omni corruptione carentem.* Atqui Patrem in Cælo habuit in omni instanti æternitatis immortalem, & æternum, Ergò etiam in terrâ, juxta S. Patrem, Matrem habuit in omni instanti vitæ suæ, omni corruptione carentem, id est, corruptione cujuscunque peccati.

§. 4. *Historia.*

Ioannes Berckmann, Conceptionis ILLIBATÆ SPECIALLIS CVLtor. 186.

Ioannes Berckmann, Sacerdos, ex Societate Jesu, præstantissimus, circa Annum Millesimum, Sexcentiesimum, Trigiesimum, singulari, ergò Beatissimam DEI genitricem, affectione celeberrimus fuit, quâ in eo vel maximè patefecit, quòd omnibus diebus Sabbathinis, ac MARIE pervigilijs jejunans, Pfalterium Beatæ Virginis, item duodecim Ave Maria, in memoriâ 12. stellarum, caput ejus coronantium, manè quoque, & vesperi singulare Ave Maria, in honorem immaculatæ Ejus Conceptionis quotidie, summa devotione persolverit, voto præ-

M


ter-

L. 1. Machab. c. 1. v. 65.

tereâ se obstrinxerit, non tantùm illam
immaculatam tamdiù defensurum, quo-
usque ab Ecclesiâ aliud statueretur
(quod votum chartæ inscriptum, san-
guine proprio subscripsit) verùm etiam
primum, quem scripturus esset, Librum
de hac ipsâ materiâ tractaturum. Non
ergo mirum, quòd ob singularem hanc,
in purissimam Virginem, devotionem,
tantâ promeruerit gratiam, ut per to-
tum vitæ suæ decursum, non ab omnî
solum impurâ cogitatione, verùm eti-
am ab omnî corporis commotione,
ac stimulo carnali, liber permanserit.
ut meritò Bellarminus, desuper totus
admirandus exclamet: *Magnum
certè privilegium, & singularem gratiam, per
immaculatam Virginem obtentam, quòd An-
gelus iste nec ullum inhonestum prurium, ab
Adamo hereditatum, senserit!* Calendar.
Virg. ad diem 13. Augusti. Paulus de Bar-
ri, in Anno Sancto.

§. 5. *Symbolum.*

187. CICONIA, angVeMDeVorans.



Arreptò gaudet Serpente Ciconia, Veris
Nuntia, moxque epulas devorat hascè suas.
Contrito gaudet Serpente MARIA, salutis
Nuntia, sic epulas docta parare suas.

Omnis Sapiencia eorum devorata est.
Flal. 106. v. 27.

§. 6. *Antiquitas.*MaLogranata, haVD præstantia 188.
VeCtIgaL.

Quatumvis ab immemoriali jam
tempore, speciali lege sancitum
in Sicilia maneat, ut omnes, qui
fructus quoscunque in Regionis illius
Civitates invehunt, certum exindè
vectigal Regio Magistratui præsentent,
sola tamen Malogranata, ab hac Lege
semper habebantur exempta, ac pri-
vilegiata, ut facilè mihi persuasum ha-
beam, specialem hinc respectum ad
Regiam Majestatem teneri, eò quòd
hæc poma, suo in vertice, à matre
Naturâ decorata conspiciantur, ele-
gantibus Coronis; Hinc est, quòd
redimiti hi fructus, Urbes ingredian-
tur, veluti totidem Reges, & Reginae,
communi Patriæ Legi, de solvendo
ex fructibus vectigali, minimè sub-
jecti.

Quid, quæso, accomodatius in
favorem Beautissimæ DEI genitricis,
ejusdemque immaculatæ Conceptionis
dici potest? Sic enim verò omnes
filij Adæ, dum mundum hunc per
Conceptionem ingrediuntur, Servi
sunt, & vectigales peccati originalis,
hoc tributum ab omnibus est præstan-
dum, ab hac Lege neminem novi, qui
eximatur, solâ & unicâ Numinis Ge-
nitricæ exceptâ, quam veluti Augustis-
simam Coeli, terræque Reginam, to-
ta Sacrosancta Trinitas præordinavit,
& coronavit pulcherrimo sermo im-
munitatis, seu exemptionis à labe pec-
cati originalis, quæ proinde, nec mo-
mento, se tributariam in imperio
Sathanæ est professa.

§. 7. *Anagramma.*DeIpara!TV absqVe oMni 189.
peCCato.

Tu jure immaculata, ô magna DEI Parens!
Versio litteralis

Ave Maria, gratiâ plena, Dominus tecum.